

山谷集

贊銘頌論表奏


十六之二十


碑傳雜著

內閣文庫			
三五函	二〇架	一〇二三號	漢書類
六冊			

漢書門			
六冊	八架	七四三〇號	類

內閣文庫	
番號	漢10230
冊數	6 (4)
函號	315 99





山谷先生文集卷第十

山谷先生文集卷第十

十一

宋六史分寧黃庭堅魯直著

明後學甫中方沆子及校

里人周希令子儀編

贊

江氏家藏仁宗皇帝墨蹟贊

陵仁聖與天同功不刻不雕萬國文明日月照臨
無有隱側一滴之雨澤及萬物簡言易從易言易知
皇祖有訓信如四時雷聲不作天地淵默遺黎懷仁
賈泣翰墨

錢忠懿王畫像贊

武忠懿堂堂如春中有樗里不以示人雷行火區

驚聽聞提十五州共為帝民送君看白崖而反以
安樂其子孫九萬里則風斯在下恥大物而成仁

王元之真贊

天錫王公佐我太宗學問文章致千匪躬四方來庭
上稍宴術公舍瓦石責君堯舜采芝蘭山以切直去
世疑文章許以獨步白髮還朝泣思軒轅雞犬括鼎
祥飛上天真宗好文且大用公太阿出柙公挺其鋒
龍怒鱗逆在廷岌岌萬物並流砥柱中立古之遺直
叔向以之嗚呼王公其尚似之

東坡先生真贊三首

子瞻堂堂於峨眉司馬班揚一作金

陸士如繼上前論事釋之馮唐言語以一作階而一作諸
雲夢之黃東坡之酒赤壁之笛嬉笑怒罵皆成文章
解鷲而歸紫微玉堂子瞻之德未變於初爾而名之
曰元祐之黨放之珠厓儋耳方其金馬石渠不自知
其東坡赤壁也及其東坡赤壁不自意其紫微玉堂
也及其紫微玉堂不自知其珠厓儋耳也九州四海
知有東坡東坡歸矣民笑且歌一本有義形于一日
不朝其間容戈至其一丘一壑則無如此道人何

其二

岌岌堂堂如山如河其愛之也引之上西掖鑿坡是
亦一東坡非亦一東坡槁項黃馘觸時干戈其惡之

也投之於鯤鯨之波是亦一東坡非亦一東坡對東
坡之在天下如太倉之一稊米至於臨大節而不可
奪則與天地相終始

其三

眉目雲開月靜文章豹蔚虎炳逢世愛憎怡怡五一作

朝公忠炯炯

寫真自贊五首

余往歲登山臨水未嘗不諷詠王摩詰輞川別業
之篇想見其人如與並世故元豐間作能詩王右
轄之句以嘉禾寫寄舒城李伯時求作右丞像此
時與伯時未相識而伯時所作摩詰像似不肯相

多髯爾今觀秦少章所畜畫像甚類而瘦豈少章
之儒故應臞哉少章因請余自贊贊曰

飲不過一瓢食不過一簞田夫亦不改其樂而夫子
不謂之能賢何也顏淵當首出萬物而奉以四海九
州而享之若是故曰人不堪其憂若余之於山澤魚
在藻鹿得豐草伊其野性則然蓋非抱沈陸之屈
懷迷邦之寶既不能詩成無色之畫畫出無聲之詩
又白首而不聞道則奚取於似摩詰為若乃登山臨
水喜見清揚豈以優孟為孫叔敖虎賁似蔡中郎者
耶

其二

其

吏能精密里行嫻邨則不如兄元明而無元明憂疑
萬事之敝斟酌世故銓品人物則如其弟知命而
無知命強項好勝之累蓋元明以寡過而知命以傲
世如魯直者欲寡過而未能以傲世則不敢自江南
乘一虛舟又安知乘流之與遇坎者哉

其三

或問魯直似不似與不似是何等語前乎魯直若
甲若乙不可勝紀後乎魯直若甲若乙不可勝紀此
一時也則魯直而已矣一以我爲牛子因以渡河而
徹源底一以我爲馬子因以日千里計魯直之在萬
化何翅太倉之一稊米吏能不如趙張王文意不

如司馬班揚頡頏以富賢醜毒而醜毒不能入其城
府投之以世故豺虎而豺虎無所措其爪角則於歎
子有一日之長

其四

道是魯直亦得道不是魯直亦得是與不是且置且
道喚那個作魯直若要斬截一句藏頭白海頭黑

其五

似僧有髮似俗無塵作夢中夢見身外身

張大同寫予真請自贊

秀眉廣宇不如魯山槁項黃馘不如漆園韜光匿名
將在雙井談玄說妙熱謾兩川枯木突兀死灰不然

虛舟逆物成百漏船

張子謙寫予真請自贊

見人金玉滿堂而不貪看人鳳閣鸞臺而不妬自疑是南岳懶瓚師人言是前身黃叔度

故熨道廖君畫像贊并序

廖君翰字仲良治生有猗頓之材知子有朱公之智初居郁鄔而遷于熨道推郁鄔之田以糝其兄買山於夷戶即其人以耕稼不征其財力數年遂役屬數百家而富以十倍乃大治產居延儒學以爲子師禮游士以爲子友命子琮爲進士遂登嘉祐二年進士第戎人仕於朝自琮始老年三十六

郡吏與夷戰於馬鳴溪敗績自沒水中流

身且或

獲以舟得不死後五十年而爲士大夫家有法居戎州第其君壽七十九而終里人愛之故有畫像于壽昌院後三十年琮以承議郎致仕家居贈君其官思配前人之德乃新畫像之室而請余爲之贊

廖君僕邀卒享五福其艱其勤天畀戩穀治生之材可以治邦知子之智可以使能耆老于鄉以福孫曾在爾後人思其艱勤思其好賢維衣食之源瞻像思孝勿墮其教

故江陽楊君畫像贊

揚君存道累世以儒學知名薦於鄉乃登治平四年進士第於予爲同年進士其爲人孝弟慈祥其文學鄉先生以爲可宗其爲吏不愧古之長民者不幸年四十九而卒其葬也予爲贊其畫像以教其鄉縣之子弟云存道諱從居江陽久矣莫知其所從遷也贊曰

顯允臨邛吏師文宗能者述之德宇恢恢踈而不失有物實之於義當然確乎不奪強者屈之愛民如子曰予用威誰其卹之圖像如生雖不能言誰敢忽之其事在人歲月其逝勿墜失之後有函董詢事考言尚其筆之

宋宗儒真贊

宋子勃率心有古鏡朝四暮三爲笑不競放一捻一猶著禪病探丸起死味藥知性憂患不入乎盃中抱胡琴而風聽若乃脫冠袒裼捫蝨應客目如愁胡拊髀而呼是必追橡栗於雲杪探水月於江湖然後快於心與

陶兀居士贊

眉山吳元祥得意於酒與世相忘者史應之贊之曰兀兀陶陶陶兀兀是醒是醉布衣簪紱涪翁乃名之陶兀居士而增贊之兀兀陶陶借書借不得陶陶兀兀問字問不得是

正集 卷之十一
是醉佛也會不得布衣簪紱有人扶便得

史應之贊

眉山史應之愛酒而滑稽對鄙不肖醉眼一笑司馬
德操萬事但好東方戲嘲驚動漢朝窮則德操達則
方朔天地一壺不膠者卓應之老矣似愚不愚江安
食不足江陽酒有餘

麟趾贊

麟有趾而不踈仁哉麟哉有定而不抵仁哉麟哉有
角而不觸仁哉麟哉今之人一朝之忿以觸人滅身
辱親嗚呼人中有獸獸中有人

筇竹杖贊

故陳氏畫像贊

女歸能婦義止宜家誰其向道探深見遐入古人室
立妙法句自履實地告人悟處忽爾心疾累歲狂癡
爲忘我難使人厭之迨其解化莊語告戒堂堂夫人
凌鄭同派

喬令真贊

抱璞而居其誰別玉喬君不獻自尊兩足窺其獄戶
視其邑庭吏無重糶民有頌聲提平如砥持廉如水
觀其中公清有餘相其貌固凡人耳

文勛真贊

榮如辱如誰喪誰得萃如嗟如不見聲色爲吏不殘

去其敗群好賢喜士黽勉而勤子克家吾稅駕舍兒
而寢漠然即化眉目在圖慰爾時思藹然粹濕以無
恙時

李冲元真贊

治百鍊之金而中黃鐘之宮琢無瑕之玉而成夜光
之璧可用饗帝可用活國師曠不世而無聞韞櫝藏
之而無悶士亦何得於山林元勛而蓋穀也故肥遯
宋喬年真贊

士之坎壈以其智多因坎壈以為師用其多以見已
相遭於功名之會圖像麒麟獨行於寂寞之濱照影
溪壑大者曰時爾小者風雨爾豈真我哉

厲廉隅而不剝故竊比於彭聃之壽屈曲而有介龍
能獨立於雪霜之後伯夷食薇而清陳仲鸞李而瘦
涪翁晝寢蒼龍掛壁涪翁履危心如鐵石窮山獨行
解兩虎爭終不使卞莊乘間而孺子成名

義松贊

洪州西山翊真觀

西山之松有歲寒之質懷其同氣耶既分矣復合而
為一涔露雲雨老大霜雪匠石輟斤樵夫歎息人之
同氣去本末遠宰上之杞蔽芾成陰有其干戈日尋
余不知其何心

三笑圖贊

二豪之所爭不滿三隱之一笑三隱之所笑不解耶

八萬四千寶浮圖不如一念心清淨惟此有相檀施
福三塗八難所依怙佛以一花示迦葉笑中有刀世
不解而以法盡付諸人深藏寶骨待梅里

第十五尊者阿氏多奉手爐國王注水灌蓮

花盆小僧奉花

萬山相倚碧巔岼靈鷲一峯聖賢宅如來往昔經行
處林泉鳥獸皆逆向清淨眷屬千五百無日不聞鐘
磬音闍浮提中大福田蓮花會上菩提記逆一作回

第十六尊者注茶半託迦合掌受龍女獻珠

案上設鈴杵小僧奉手爐

持軸山中大慈聖普應諸供作佛事雖設大鈴金剛

杵如世休馬橐弓矢龍女來獻九淵珠無心奉施無
心受清淨之衆見尋常相視還如土木偶

見翰林蘇公馬祖龐翁贊戲書

一口吸盡西江水磨却馬師三尺鬚馬駒蹋殺天下
人驚雷破浪非凡鱗馬祖龐公水泄不通游鯨方樂
科斗生角

清涼國師真贊

摘裴休語

寶月清涼寂照法界以沙門相藏世間解谷響入耳
性不可為清蓮出水深不可窺萬象紛披花開古錦
啟迫羣珉與甘露飲哲人去矣資何所參即事之理
塔鎖終南

木平和尚真贊

一尺三寸汗脚草鞋掛龍牀角他日清凉半座果然
未忘禮樂一一漚裏木平稽首一漚前覺

南安巖主大嚴禪師真贊

石出山而韻自丘壑松不春而骨立冰霜今得雲門
柱杖打破鬼窟靈牀其石也將能萬里出雲雨其松
也欲與三界作陰涼此似昔人非昔人也山中故友
任商量

南安巖主定應大師真贊

定光古佛不顯其光古錐透穿大千以爲囊臥像出
家西峯參道亦俗亦真一體三寶彼逆我順彼順我

逆過即追求虛空鳥迹驅使草木教誨蛇虎愁霖出
日枯旱下雨無男得男無女得女法法如是誰奪誰
予令君威怒免我伽梨旣而釋之遂終白衣白帽素
履湏髮皤皤壽八十二與世同波窮巖草木枯腊風
雨七閩香光家以爲祖薩埵御天宋有萬姓乃錫象
服名曰定應
黃龍南禪師真贊
我手何似佛手日中見斗我脚何似馱脚鎖却狗口
生緣在甚麼處黃茆裏走乃有北溟之鯢揭海生塵
以長嘴鳥啄其心肝肺乃退藏於密待其化而爲鵬
與之羽翼九萬里則風斯在下矣自爲鑪而鎔凡聖

之銅乃將圖南也道不虛行是謂無功之功徧得其
道者一子一孫而已矣得其一者皆爲萬物之宗工
以丹墨得皮得骨我以無舌贊水中月

大瀉喆禪師真贊

即邪是正即藥是病乞水指井乞飯與旣殺人如麻
出邪命定而得正命尸羅清淨而八萬四千清淨是
謂毗盧遮那正法眼藏以平等印封之以僧伽梨蒙
之無心者來彈指門開聖凡不盡金鎖生苔丹青回
互南北呈露影落千江誰知月處

五祖演禪師真贊

問道白雲端蹋著自家底無心萬事禪一月千江水
路逢摩登伽石上漫澆水赤土畫簸箕也有第一義
誰言川蘂磋具相三十二

慧林冲禪師真贊

廓然豁爾師不自知工何能寫粹然術爾工以爲真
師不謂之假金然玉爾物自賓之木然石爾孰能親
之維丹青不能新之其孰能陳之

法雲秀禪師真贊

法雲大士天骨巖巖如來津梁我實荷擔手捉日月
斷取莊嚴國土入此佛土位置城南有目無目疑聖
疑凡擊大雷霆布灑甘露大圓鏡中慈悲威怒維此
象法依正法住後五百歲亦莫予敢侮誰爲請主世

界主女

泐潭乾和尚真贊

平常心是道南泉只貶得眼菴內人不見菴外事趙
州猶是擔板秋毫不穩方丈前萬仞深坑但到牢關
柱杖子天下橫行平如鏡面實如石師子借問是誰
泐潭道人萍鄉老子

泐潭我和尚真贊

枯木突兀傲睨萬物頂門上眼正法中骨

長蘆夫和尚真贊

松枯竹瘦是其歲寒也山高水深不可犯干也取多
國土莊嚴此土如陶家手也拂除方丈置榻而坐一
不受也首出萬物淵默雷吼寂寥者之參也若夫以
法界印印毛印海則驚僧繇而走巫咸也

雲蓋智和尚真贊

哆哆啾啾搭猱左科喫十方飯唱快活歌任踈慵沒
禮數趕則去招則住住似著衫去如脫袴禪徒苦口
勸和光捏聚虛空要泊路

仰山簡和尚真贊

不戒而六和恭敬不禪而十方清淨不學而文理井
井不吏而施於有政壽八十餘閱人三世孝於塔廟
勤力勤禮百室崇成檀者疊疊齊始如終薪窮於指
耆老而精明豐肉而神清和同而不濁退屈而不陵

是謂大雅之士惜乎其不發諸朝

黃龍清和尚真贊

黃河徹底凍白髮通心白雖有顧陸手百巧畫不得

大通禪師真贊

前波法涌後波大通大通法涌徹底澄空圓照願海
千漚一實圓通法流滔天沃日三世一念十方見前
銅崖鐵壁不可攀緣見即彈指蹉過萬千大則偏圓
異位通則真假同源觀者著眼是傳非傳

寶梵大師真贊

穆然而肅毘尼藏也熙然而溫同塵相也默然而說
法中龍象也知文知武染衣將相也淵然而深飽儒
術也悠然而思入詩律也鉢囊如空不受實也室中
生光魚長物也十有七年為法城塹也五十八夏圭
璋無玷也斬然而秀出火宅也溲然而化薪火息也
子孫繩繩奉承丹青眸子睥明吾觀其役物之智袖
手微笑人挹其臨財之清

重刻黃文節山谷先生文集卷第十六

重刻黃文節山谷先生文集卷第十七 正集

宋太史分寧黃庭堅魯直著

明後學蕭中方 沈子及校

銘 里人周希令子儀編

洪州分寧縣藏書閣銘 并序

分寧縣有學所從來遠矣然邑子諸生賴學以成
就者少挾書以游四方者多蓋在官常曰獄訟之
不得其情賦租之不登其時簿書未畢之不當其
物寇盜發而不輒得是吾憂也若勸學養士二千
石之任也故廟學蕪然未嘗過而問焉彼蓋不知
養士之源發於縣鄉為民父母豈敢求盜之謂

哉今吾宰延平胡君器之之為縣左規而右矩謹
名而務實教之用經治之用律其聽民不怠其牧
民不煩豪吏歛手困窮得職然後盡心於學乃舉
其鄉先生與一經之師位之以師友而作興可學
之民弟子常溢百負器之率其僚潔牲酒豆籩釋
奠春秋諸生陞降成文耆老歎息則合謀曰群居
講學常病無書今令君不鄙我民使得燕居以勤
己事甚大惠也惟是公家力不能者吾儕其勸成
之於是學有職及諸生之父兄皆自勸市書以給
諸生之求且為出入之不嚴不可以保存暴涼之
不時不可以持久又相勸作書閣并祭器而藏之

閣成謁諸令君令君乃以元祐八年夏五月丁丑
釋菜于先聖之廟告成焉諸生則以告黃庭堅
而請銘之於是有問者曰郡有學朝廷為之擇師
教事備矣縣不興學亦病者乎庭堅曰是不然今
夫浮屠之舍非傳先王之道也而所居如林其墮
隳不守凡有官之君子必左右經營復之而後已
關市之征先王以禁利末其開塞有權今則徒會
其入百人之聚有網漏一金之利必請而張官置
吏焉夫士不可一日而無學民不可一日而無教
至於興學聚書則雖萬室之邑以為非職之憂者
何哉此可謂有為民父母之心知發政之先後之

序者乎諸生曰信如子之言請并書以詔後之人
則序而為銘曰

凡治有條如機於紡經經緯綿積寸成兩管蒯之手
簡切於紉可席可屨不能以寒昔此廟學終歲蓬艾
聖師所居風雨無盖今誦聖言皆有夏屋爰及方冊
字以華閣華閣渠渠言行之林聿求古今自觀德心
咨爾諸生永懷茲道勿嬉勿驚以迪有造得意自己
書不盡言如御琴瑟聽於無絃幕阜几几吳味楚尾
其下脩水行六百里山川之靈或秀于民世得材用
我培其根勒銘頌成式告爾後無或墮之永庇俎豆

分寧縣三堂銘

求瘼民肥瘠共

茂宰蕭公來拊我民自初訖茲惠政日新父母慈之
知其苦樂吏瘦民肥猶求其瘼靖共在堂敬畏在庭
賓禮士子有渭有涇我名三堂式頌式勸繼蕭公者
無墜斯憲

洪州武寧縣東軒銘

温陵呂晉夫為武寧縣其嚮勒足以御吏其俎豆
足以和民以其身為綱以其僚為紀其有所急也
民以為義其有所漏也民以為仁於其歲豐民間
新作東軒以告豫章黃庭堅曰以此聽民非以勤
民也予觀今之為吏訖三年則解體不治民亦厭
之今呂侯不得代踰四歲矣而勤民如始至之日

民亦安樂之唯恐其去也故銘以勸來者
呂侯爲邦如匠規矩除治燕處不即歌舞於以近之
問民疾苦里無追胥抱孫買鉏吏無重糈其虎爲鼠
我班王春民在東臯于耜于餉勸其作勞亟其耘耔
無慢于教役乃暇日于茅索綯桃李允矣松竹包矣
知我民稼雨澤時矣萬物芸芸自本自根於其並作
我觀其復富貴游雲荷戈而逐呂侯燕處不棘其款
東軒高明有突有榮以納日月以陳鼓笙侯在東軒
左經右律燕及其僚射侯酒食咨爾後來式鑒斯今
無以豆觴費民才陰

晉州州學齋堂銘

甥洪駒父主晉州學作齋堂諸名來乞銘予老病
不復能文各作數語以勸學云

駕說堂

仲尼之駕說矣茲儒將復駕其所說乎元元本本大
道甚夷毋以曲學誘諸子於亡羊之歧

樂泮堂

思樂泮水仁義之海見賢思齊聞過則改

典學堂

立則參於前坐則布於席樂則詔於鐘鼓宴則列於
飲食誰能出不由戶而不終始典于學

見堯堂

立則見堯於堂寐則見堯於夢道其常而因物之自然

稽古齋

學之求于先王我占四方維天有斗執先王之道以御今之有是謂古人不朽

緝熙齋

緝者絲治熙者火治維心之本光作而悠遠高明蓋養之以浩然之氣學之有緝熙聖功也哉

渴日齋

學未竟日西入明追今終弗及

時術齋

禹初撫功洪水滔國作十三載民降丘宅君子觀於蟻而知學之可積

敬業齋

慢游者日失一日敬業者不速而疾

尚友齋

今之君子吾既與偕昔者吾友舜何人哉

切憇齋

思而不學無所於覺故謂之殆學而不思萑葦不治故謂之罔切切憇憇相勸以兩

游藝齋

色荒者使人躑躑酒荒者使人漠漠游於六藝之林

山谷正集 卷之二十七 三
是謂名教之樂

知困齋

知之曰知之不知曰不知雖聖人亦若是其知者有
輕千里而學之其不知者有輕千里而告之

優仕齋

君子無一日不學也豈惟日哉無一時不學也豈惟
時哉無須臾不學也學哉身哉身哉學哉

浮筠亭

豐肌秀骨先後輩出何其孺子也解祿樂群不舍晝
夜何其學士也壯節矍躬不知歲寒何其丈夫也

君子亭

君子藏器待時盤桓於不中也反身自觀

李元中難禪閣銘并序

龍眠道人李元中爲宜春決曹掾盡心於犴獄忠
信慈惠於百度訟者伏辜而即罪如罪在已治罪
之器人服而病焉如傷在已卹其寒飢苛蚌加以
保惠教誨使宥者渙然而悔杖者自今而悔流者
在塗而悔死者方來而悔孔子曰子產衆人之母
也而書言不盡其行事未知其能若是乎獄事既
飭於是築閣以退聽已無憾而後安禪而乞名於
其友山谷道人山谷曰菩薩久習勝妙禪定於諸
三昧心得自在哀閻衆生欲令成熟捨第一禪樂

而生欲界是名菩薩難禪可名曰難禪閣龍眠曰
 若是則吾豈敢敢不勉焉請為我銘之山谷曰勸
 已以不倦勸同事以不倦勸萬物以不倦故曰難
 爾夫禪又何難銘曰
 正念現前常樂我禪於法不難生死險地施物無畏
 於法不易能易能難則無難易俎豆鴆毒使令虎兇
 蛻乎其無功澹乎其無味至道之極不出於聖人萬
 物之祖不歸於天後百世而見堯舜忘義忘年不動
 不禪坐無生禪

洪龜父清非齋銘

是是非非智者之別是謂是非謂非直者之發其別
 也以成自其發也以成它吝其非而不改惟自屈也
 大人能格君心之非是心術也方寸之間與萬物為
 市掃除不消照用則曠日清其非虛室晰晰

洪駒父壁陰齋銘

甥洪芻駒父仕為黃之酒正勤其官不素食矣又
 不能愛其餘日以私於學名其所居曰壁陰齋余內
 喜之曰在官而可以行其私也惟學而已矣為之
 作銘

惟道集虛觀我鏡中年耆典學考道則窮潛聖語道
 朝聞夕死調高不和干世一士觴豆舞歌不愛其光
 孰能劬書自憂面牆挾書呻吟白駒過隙我以道儉

何直尺璧古者寸陰不易千乘之國得道之根則有
枝葉務華絕根安事燁燁渴日者握苗罪歲者不芸
茅勿亟勿遲能時者謂之君子

洪玉父照曠齋銘

萬物一家本無踈親小智彼我與鄰斷斷聞是法音
不懼不惑乃可與之方轂道域至道無域門戶唯空
無物可欲萬竅自風乃即萬物親踈異同冬裘夏葛
渴汲飢舂父慈子孝兄友弟恭占筮筮吉卜龜龜從
子是之學擴而心量遠之大之是謂照曠

李商老殖齋銘

以心為田我耒耜之慈祥弟友種而茂之忠信不貪

苗而立之敦厚敬恭水而耰之師友琢磨耜而薈之
先王遺言又時雨之仁義有年左右取之相彼寒窶
我則以之奉以饗帝神其吐之

王子舟所性齋銘

道行不加窮處不病此之謂性由思入脣由脣入覺
此之謂學性則聖質學則聖功謂予不能倒戈自攻
天下求師四海取友道立德尊師吾性有

鮮自源廣心齋銘

細德險微憎愛彼我君子廣心無物不可心不運寸
中積瑣瑣得失戚戚忿欲生火然爐傾則焚我中和
沃以遠大井泉無波天下為量萬物一家前聖後聖

惠我光華

鮮自源貴稀亭銘

閩州城南天下稀有此金石句聞諸杜叟鮮子築屋與山相賓知味者稀以自貴珍貴者欲得良貴名立非得非名至貴無級

王良翰行庵銘

剪椽作庵駕以人肩利用行遠琴几後前衲子師之行坐俱禪涉江東西浸湖南北視之庵也行遠有足器成使人用之日新創物之智艾王君申

洪鴻父翛然堂銘

詩書環列竹石陰岑有無言子自鉤其深穀士挽弓

會予心術敲朴問盜慈惠哀恤自公執掌退食靜淵

東窻置榻蟬蛻翛然

正平堂銘

畏首畏尾不自尊已牽於勢刑於利虐鰥寡以奉高明是謂不平忠不足而詐有餘躬不行而責從令是謂不正夫平者如執權衡以司重輕如天四時不言自行夫正者渴飲而飢食冬裘而夏葛喜怒予奪由已而不由物故行天下而不屈靈龜負圖告人凶吉劉腸在前中黑如漆楊子耄思思配審護涪翁為名周旋其樞

養浩堂銘

壽子子孫孫勿替用酒
張益老十二琴銘

澗泉

震陵孤桐下陽岑音如澗泉鳴深林二聖元祐歲丁卯器而名之張益老

香林八節

河渭之水多土其聲厚以沈江漢之水多石其聲清而不深香林八節是謂天地之中山水之音

號鐘

薄則播厚則石侈則符弇則鬱長角則震無此五疾則鳴而中律是謂號鐘之實

玉磬

其清越以長者玉也聽萬物之秋聲者磬也室如其中藜藿不再食以是樂飢不以告糴

松風

忽乎青蘋之末而生有極於萬竅號怒而實無夫其蕩枝播葉實其實而脫其枯風鳴松耶松鳴風乎

媧簧

鍊石補天之手截匏比竹之音雖不可得吾知古之猶今木聲犁然當於人心非參寥者孰鉤其深

南風

聲歌南風舜作則歆報父母天罔極

舜胎仙

琴心三疊舞胎仙肉飛不到夢所傳白鶴歸來見曾
玄壘頭松風入朱弦

秋思

秋風度而草木先驚感秋者弦直而志不平攬變衰
之色為可憐之聲不戰者善將傷手者代匠悲莫悲
於湘濱樂莫樂於濠上

漁樵

襍襖夫須蕭然於萬物之表槁項黃馘闖然於一蓑
之杭與鷗鷗而物化發山水之天光驚潛鱗而出聽
誰漁樵

九井瓊

鉤魚而得九井之璜辟紂而遇六州之王煙沈乎射
鮒之谷委蛇乎鳴鳳之堂其音不爽維其德之常

天球

天球至音不以人力作者七人傳以華國有蔚者桐
僵于下陽之霆奏刀而玉質成器而金聲山川畀之
耶其天性之耶

虎胎冠銘

積中弟惠虎胎冠未出包殼文章炳然嘯谷風弭
百獸不旋日矣取而加於元服所以昭示尚文老
夫得之竊懼維鵜之刺故作銘以自解

也似道坦坦其日新也用而不癯

歐陽元老研銘

其堅也似立義不易其潤也似飲人以德叩之鏗然如玉如金歐陽元老笙罄同音

王子與研銘

溫潤而澤故不敗筆績密以栗故不涸墨明窓淨几宴坐終日觀其懷文而抱質

檀敦禮研銘

用為砧不可以調杵擣衣用為鼓不可以退盜拳旗用為鏡不可以鑒美惡用為礪不可以御賓客檀公三十六策戎匠鑿石刻其四封以為管城之國旁陳

王斗挹水以和墨時渴而飲之給出不竭礪筆礪墨

宜日書紙涪翁勒銘有告無止

王子飛研銘

厚而靜似仁剛而溫似德不反不側似宜翰墨

鄭欽相研銘

韜方虛其心籠古而絡今惟子翰墨林坦方實其踵不震不竦其承不要角浪汙汙不瑕其溫圓以行世不規其盆

李伯牖女子研銘

既非牛渚望夫之石又非上虞幼婦之碑琢為海昏節婦之硯堅潤而含風漪其以付伯牖之孤女它

山谷正集 卷之十七
或能衛夫人之筆札曹大家之文詞

江氏芝木銘

為江懋相作

江望陳留漢轅侯德七祖兆于園南七祖窆于園北起居之所既有拱水歲行三十一舍喪客土著二十有六宗子有孝子使客歸其宅爰發其祥緇芝紫莖凡園南北孝思作則

重刻黃文節山谷先生文集卷第十七終

重刻黃文節山谷先生文集卷第十八

正集

宋太史分寧黃庭堅魯直著

明後學莆中方 沆子及校

里人周希令子儀編

頌

具茨頌

帝省具茨在國南屏篤生韓公補天子聖文武韓公其德庭方靡職不宜乃宣力四方四方維則歸補我衮職西羗不庭王師濯濯奏功不時公請命行公出撫師王師矯矯羗戎震驚其藪澤是狩復我王土將築於河之澣人亦有言功不在初其潰於成陰有齒牙以猾覆城天子聖神知我公孔武公雖歸止四方

以無侮京師之屏公曰維許樂土赫赫王命北門是
處公治北門有條有葉夷根披節蝨賊是伐惠及鰥
寡日用飲酒萬有千載樂公壽考公御宴喜樂酒温
克賓秩醉飽柔嘉維則維公之德萬有千歲畀公遐
福陟彼具茨松柏孔碩若濟巨川維舟撤是度瞻彼
具茨有滄其陰如彼歲旱視公作霖公至北門河潤
九里公歸本朝萬物露雨帝顧具茨公歸廟堂爲天
下師傳於大塊有光於大塊有光公壽考無疆

曹侯善政頌并序

曹侯者嘉祐中爲益陽令有善政旣去而民思之
以地寒故州將及監司皆不能推稅致之要津以
盡其才久之亦馴致爲尚書北部員外郎知賓州
以歿歿時其子堯封財五歲其文書皆族人藏去
爲火所傷盡失其事特有後知益陽縣事齊術參
酌民言爲異政錄錄其大槩予三讀而悲之夫曹
侯之政徹機械而去虎是難能也至於惠民之政
是可能而人不爲也曹侯之政不可使無傳故作
頌鏡之益陽縣中蓋曹侯爲縣御史嚴而不殘使
民寬而不弛納民賦租不以累其僚雖新雨旣晴
雪雲陰曠未嘗閉倉庫而不受租一斗者輸一斗
租一石者輸一石吏卒不能與民爲難民皆歌舞
而歸異時大驅僧仕家子與吏爲姦以官爲市攬

納以制民之命輸五斗者當入十於此皆逃入他境舊令尹死官下其子堙替為隸貧甚為人傭書侯與資令納婦不幸病死侯又歛之民有家產而無男以二女囑其弟而死其弟凍餒其二女且役之過時而不嫁侯捕其弟杖之擇愿民壻其二女析其父家產之半而業二壻侯至之始其邑多虎所在設機穿日以得虎而虎暴不息侯曰是為政之罪命盡去機穿未踰月負販山行水宿不逢虎也觀其人善政必多尚按齊君所錄如此曹侯柳人諱靖宇中立內行孝友當官所至有績頌曰曹侯輟耕學于上國進士起家為更有績雖窶人子

孔武且頌我惠我威養我如子我勤我暇不借吏史虎暴人境肆作機穿侯曰徹之病在乎政惟此疾蟲適與政通風林岑蔚征夫不逢我作頌聲與民歌之不誣方將俾勿磨之

清閑處士頌

至樂山中嘉木之樾有次天游風雲為馮鷗鷺為舟有詩客李發字之曰清閑處士而蜀有豪士王當以為蓋謝敷之流其清也不登市井之隴其閑也不與王公之鈞傲睨萬物逍遙一丘身與長松共老名與北斗俱休涪翁曰名之不稱實也久矣吾子何以是為哉書潞則失涿謂鷹則化鳩故一以我為馬一以

我爲牛盖有有其實而不受亦有無其實而固求者
也常試爲吾子道清閑之致乎水之爲物甚寒而極
清鬱爲堅冰得温而釋通利諸生雲之爲物無心而
出岫穴風休雨息反一無跡我觀古人以是爲則若
夫汙泥濁水與蛙同生不溷其清自探井曰日耕荒
徼未嘗不閑惟有道者能藏於天吾子何處爲清閑
曰我無所用於世而從所好惟水雲與之忘老何敢
以爲有道涪翁曰舐痔十乘曹商自優非君清流商
賄計得白圭擬國以閑爲隱雖然同一大夢達者先
覺方在蟻垤憂樂計校也世無公孫僑孔仲尼誰辨
夢覺亦曰舉世溷濁惟我獨清萬法本閑而人自擾

擾爾

王厚頌二首

八風動搖人不閑五穀自鬻鬚毛斑文章書畫當富
貴惟有如今至樂山

夕陽盡處望清閑想見千巖細菊斑人得交游是風
月天開圖畫即江山

谷楊明叔送米頌

買竹爲我打籬更送米來作飯用此回光反照佛事
一時成辦不須天下求佛問取弄臭脚漢

謝張寬夫送梭枹頌

菜茹之品梭枹君乖龍割耳驚脫羣張子羞我助貧

餐桑鵝楮雞不足云曲肱一飽南風薰萬事於我如
浮雲

乞笋於廖宣叔頌
龍蛻骨掉蒼尾餘戢戢漫蛇虺棄雨中心爛死勢長
鏡戴簪子可盡髡馘左耳

奉約宣叔頌

貴魁梧賤瑣尾強分別眩憐虺雨新霽月未死款循
城將數子煩置酒摘蒼耳

戲荅宣叔頌

探龍淵履虎尾別狐貉辨虺虺頭雪白心灰死老斷
輪不教子君聞此當洗耳

清醇酒頌為李叟作

清如秋江寒月風休波靜而無雲醇如春江永日游
絲落花之困人借之以涪翁清閑鑒此杯面淥本之
以李叟孝友成此甕中春

醇碧頌

荆州士大夫家菜豆麴酒多碧色可愛而病於不
醇田子醞成而味厚故予名之曰醇碧而頌之
田子綠麴妙在蒸蓼女酒兀者美生其手挹彼而清
注茲無聲其香馥郁悅可飲者如春霖霖清不病醅
多不疾人誰其吐之百室之醅醇碧惟師老夫不飲
評以鼻慧

安樂泉頌

鎖江安樂泉水味為麩道第一姚君玉取以釀酒
甚清而可口又飲之令人安樂故予兼二義名之
曰安樂泉并為作頌
姚子雪麩杯色爭玉得湯郁郁白雲生谷清而不薄
厚而不濁甘而不噉辛而不螫老夫手風須此晨藥
眼花作頌顛倒淡墨

玉醴頌 為廖宣叔作

北郭子竹林居醴玉醴撥浮蛆味橘露色鶯雛春盎
正想可斟魚枕蕉正關渠來問字儻借書掃三徑待

髮魚

荔支綠頌 為王公權作

王牆東之美酒得妙用於六物三危露以為味荔支
綠以為色哀白頭而投齋每傾家以繼酌忘螭彫之
躩觸見醉鄉之城郭揚大夫之拓落陶徵君之寂寞
惜此士之殊時常生塵於尊勺

筇竹頌

偉邛崃之美竹初發跡於牂牁有山而不險有水而
無波金聲而玉節故貫四時而不改其柯郭子遺我
扶余澗阿坐則倚胡牀裴几行則隨青笠綠簑吾衰
也久矣視爾畏友予琢予磨百世以俟聖人而不惑
則涪皤不負筇竹危而不扶顛而不持惟筇竹之負

活皤

視爾一
作親爾

澄心亭頌

菩薩清涼月游於畢竟空衆生心水淨菩提影現中
忍觀伏塵勞波澄泥著底八風動地來塵勞還復起
覺海性澄圓浪時無不渾即渾即澄徹箇是涅槃門

白蓮菴頌

入泥出泥聖功香光透塵透風君看根元種性六窻
九竅玲瓏

了了菴頌

方廣菴名了了了更著菴遮又要涪翁作頌且圖
錦上添花若問只今了未更須侍者煎茶

休堂頌

頭上安頭如何得休殺佛殺祖方得按堵北鬱單越
西瞿耶尼事同一家喫飯著衣向上一路千聖眨眼
韓信打關張良燒棧

退堂頌

愚者日進智士日退象蹋恒河徹底過大千世界百
雜碎愚人尋文弄章句更覓中間及內外

拙軒頌

覓巧了不可得拙從何來打破沙盆一問狂子因此
眼開弄巧成拙為蛇畫足何況頭上安頭屋下蓋屋
畢竟巧者有餘拙者不足

贈嗣直弟頌十首

涪陵與弟嗣直夜語頗能明古人意因戲詠云人皆有兄弟誰共得神仙故作十頌以記之此二句唐赤松觀舒道士題赤松子廟詩也

饑渴隨時用悲歡觸事真十方無壁落中有昔怨人去日撒手去來時無與偕若將來去看還似不曾齋正觀心地時絲髮亦無有却來觀世間冬後數九九涪陵薩埵子且道也旁行亦嚼橫陳蠟不愛孔方兄江南鴻鴈行人言好兄弟無端風忽起縱橫不成字萬里唯將我回觀更有誰初無卓錫地今日更無錫江南十兄弟長被時一共夢時各自境獨與君同夢

雖受然燈記不從然燈得若會翻身句彌勒真彌勒向上關挨子未曾說似人困來一覺睡妙絕更通神往日非今日今年似去年九關多虎豹聊作地行仙

和程德裕頌五首

貧子還家作富兒糞箕苕帚未曾遺人人欲問草書意懷素從來自不知

鵬飛逼塞滿空虛蚊睫安巢却有餘臘月火燒三界盡從來灰裏撥真如

山河大地目前機橫按吹毛更不疑萬里無人無寸草凍山亭上與誰期

如來剎剎與塵塵北斗南箕透法身金粟默然軻好

辯唱歌須是帝鄉人
石田耕種難成稻茶蓼栽來只苦辛
萬物一家真富貴使君見後却清貧

贈劉靜翁頌四首

鄭明舉贈劉靜翁四頌勸之捨俗出家詞旨高邁
玩之不能釋手然靜翁在家出家無俗可捨因戲

作四頌以贈行

念念皆空更莫疑心王本自絕多知艱勤長向途中

覓掉却甜桃摘醋梨

一餅一鉢非難辦住得山時更莫來千年糞掃堆頭

物優鉢羅花特地開

萬緣空處真如佛八面風中不動尊因便橫眠饑喫

飯十方無壁又無門

淨名龐老摠垂須君幸元無免破除心若出家身若

住何須更覓剃頭書

再答靜翁并以筇竹一枝贈行四首

南鴻北鴈年年客有箇生涯主不知撼動從來憂樂

事夜窻風葉響棠梨

栽松道者身先老放下鋤頭好再來八萬四千閑挨

子與公一箇鑊匙開

一筇九節添行李用得人間處處尊只要上山行飽

飯莫將風雪打人門

萬事實頭方穩當十分足陌莫蹶除困來展席日裏
睡讀盡空中鳥跡書

再答并簡康國兄弟四首

瞿曇不解祖師機却許狸奴白牯知道人只要貧到
骨沈却黃金賣笊離

妙舌寒山一居士淨居金粟幾如來玄關無鍵直須
透不得春風花不開

須彌椎打虛空鼓撼得毗盧海月昏四海無波安樂

住陳家松下小柴門

日中一飯蒙頭睡黃葉堆門莫掃除夜半枕前師子

吼起來燒却野狐書

曉賢師續佛壽頌

曉賢師講席中蕭洒人也款乞於檀越度兩出家
兒續佛壽其意甚美故為作頌道之

養子續佛壽非為養色身棒打石師子只要實頭人
出家無正因不得正命食是真出家兒不費秋毫力

講得天雨花說得石點頭人人是檀越負命者上鈞

覺範師種竹頌

簡池覺範道人城東道友也今在簡州景德院其
家風十二時似趙州東院西也種竹兩枝於宴坐

軒中山谷老農作頌

往在江南住竹山道人兩歲三來訪聽風聽雨看成

龍牛羊折角入朝餉簡州城東刮地寒手種檀藥三
兩竿竹成要作無孔笛若有靈龜一任鑽

峇雍熙光老頌

獨弄參軍無鼓笛右軍池裏泛漁舟豈知劍外雍熙
老叔得黃巢折劍頭

又峇寄糖霜頌

遠寄蔗霜知有味勝於崔浩水精鹽正宗掃地從誰
說我舌猶能及鼻尖

沙彌文信大悲頌

通身是眼不見自己欲見自己頓掣驢耳通身是手
不鮮看鞭白牛懶墮空打車轆通身是佛頂戴彌陀

頭上安頭笑殺涪皤

鐵羅漢頌并序

峨眉山之下蟆頤津之淵有百鍊金剛鑄成二怖

魔開士人物表儀隨世尺度其中空洞不留一物

叩之鏗然應大應小香塗刀割受供不二沈之水

則著底投之火則熾然水火事息二老相視而笑

涪翁曰吳兒鐵人石心吾不信也二老者真鐵石

耳乃為之頌曰

人言怖魔像非金亦非鐵若竹世金鐵開示亦不現

禪坐應念往一鉢千家供順佛遺教故不宣示神通
有為中無為火聚開蓮花無為中有為甘露破諸熱

魔子自怖畏我無怖畏想或欲坏鎔之為已富貴梯
賴世主慈觀虎兕失瓜角或得野狐書有字不可讀
狐涎著其心字義皆炳然却來觀六經全是顛倒想
今世青雲士慎莫作此解

枯骨頌

清揚巧笑傾人城驕氣矜色增我慢無始時來生死
趣八萬苦荼所依止皮膚落盡露拴索一切虛誑法
現前不見全牛可下刀無垢光明本三昧

髑髏頌

黃沙枯髑髏本是桃李面如今不忍看當時恨不見
紫風相鼓擊美目巧咲倩無脚又無眼著便成一片

葫蘆頌

大葫蘆乾枯小葫蘆行酤一居金仙宅一往黃公壚
有此通大道無此令人老一作惱不問惡與好兩葫蘆
俱倒

還神田圓首座戒刀頌

平生受用三尺吹毛歡喜斬新拾得孟勞夢中喚起
猶自切切我王庫中無如是刀

題求首座庵頌

奪得胡兒馬便休休嗟李廣不封侯分明射得南山
虎子細看來是石頭

勸右洞道真師染袈裟頌

丈夫出家當被一作壞色衣蜀僧袈裟多似苾芻尼輕
羅縠縠染成春柳絲撩蜂引蝶唯欠遠山眉

贈成都六祖沙彌文信頌

塵是文信界是沙彌積塵成世界析界作微塵界喻
人天果塵為有漏因塵因不實界果果非真因果
皆如幻堂堂出世人

寄六祖範和尚頌

範公頭上著枷涪翁脚上著杻且共彌勒過冬閑坐
地爐數九

羅漢南公升堂頌二首

寶積拾得漏貫錢古佛堂前狗尿天東山日出西山

雨露柱槌骨哭破船

黑蟻旋磨千里錯巴蛇吞像三年覺日光天子轉須
彌失眼衆生問演若

羅漢南公塔頌

一點黑漆元無縫罅羅漢雲居天上天下出入奮迅
三界無家以除惱禪打鼓弄琵琶沈却法船留下岸
斗欵得不沈岸乾劉漏

和朱宏夫真妄頌

須彌說法大海聽南箕吹折北斗柄螭螟千眼照世
間保君通達真妄境

戲荅寶勝甫長老頌

山谷正集 卷之十一
易拔蒼龍角難參寶勝禪林泉飽枯澁煙月唱清絲
笑出黃龍手慵扶阿卯肩持刀欺寡婦盜佛鑄私錢
月黑城夜風高放火天解唾招覺老檐屎汗心田
和斌老悟道頌

終日忙忙本圓覺只爲魔強令法弱不疑更問決疑
龜無病還求除病藥昔人夢中見捕逐兩手無繩元
自縛黃鸝臨夢啼一聲白日當窻始知錯
送賢師往瀘州爲兩驅烏乞度牒錢頌

一鳳將兩雛往乞五色羽誰有大勢力成此拈据心
若無出家心勤苦難成就但令發弘誓誰不起慈悲
鮮瞋睡頌

文殊吐酒卧觀音被杻械普賢盜鑄錢釋迦扇鑪
範上座殺牛黃魯直害癩

五字頌
嘗有老僧暴背於後架作此五字示之問會麼云
不會因以爲頌

齋餘睡兀兀占盡簷前日不與一甌茶眼前黑如漆
爲慧林冲禪師燒香頌三首

昨夜三更狗吠雪東家閉門推出月是渠覺海性澄
圓衲子殺人須見血

多年破衲不勝針一曲胡茄無古今往日聞韶獨忘
味守株人在月西沈

西瞿耶尼開靜北鬱單越受粥慧林也唱雲門曲去
年臘月六十六

爲黃龍心禪師燒香頌三首

老師身今七十六老師心亦七十六夢中沈却大法
船文殊頓足普賢哭
一拳打破鬼門關一笑吐却野狐涎四海崢嶸龍象
衆鼻頭只用短繩牽
海風吹落楞伽山四海禪徒著眼看一把柳絲收不
得和風搭在玉闌干

雨花巖頌 彭澤三巖

孤峯中流分江南馬當大雷無一帆波濤掀空鳥不
度天花與我讀書巖

伏仙巖頌

生死浪中涅槃宅與人同黑非同白誰令避世作聾
盲獨來真巖伏石壁

補陀巖頌

脩羅身量等須彌入藕絲孔逃追北補陀巖下不戰
人八萬魔軍皆解甲

題高節亭頌

松風竹雨共談空樓閣參差古疊重急水灘頭道人
住亦如前佛在因中

彭女禮北斗圖頌

山谷正集 卷之十一
白足禮江沙七星在雲表洗心無一塵缺月西南曉
頌取之左右逢其原
取之左右逢其原香巖臘月火燒山對面謾天猶佇
思打得香巖也是閑

重刻黃文節山谷先生文集卷第十八

正集

重刻黃文節山谷先生文集卷第十九

宋太史分寧黃庭堅魯直著
明後學莆中方 沆子及校
里人周希令子儀編

論

莊子內篇

莊周內書七篇法度甚嚴彼鷓鴣之大鳩鷓之細均
為有累於物而不能逍遙唯體道者乃能逍遙耳故
作逍遙游物之不齊物之情也大塊噫氣萬竅殊聲
吾是以見萬物之情狀俗學者心窺券外之有企尚
而思齊道之不着論不明也故作齊物論生生之厚
動而之死地立於羿之彀中其中也因論以為命其

山谷正集

卷之十九

一

不中也因論以爲智養生者謝養生而養其生之主
幾乎無死地矣故作養生主上下四方古者謂之宇
往來不窮古者謂之宙以宇觀人間以宙觀世而我
無所依彼推也故去挽也故來以德榮與彼有者而
我常以不材故作人間世有德者之驗如印印泥射
至百步力也射中百步巧也箭鋒相直豈巧力之謂
哉子得其母不取於人而自信故作德充符族則有
宗物則有師可以爲衆父者不可以爲衆父父故作
大宗師堯舜出而應帝湯武出而應王彼求我以是
與我此名彼俗學者因以塵埃糝糠據見四子故作
應帝王二十六篇者解剝斯文爾由莊周以來未見
賞音者晚得向秀郭象陷莊周爲齊物之書昏昏以
至今悲夫

論語斷篇

論語一書孔子之門人親受聖言雖經秦事編簡斷
缺然而文章條理可疑者少由漢以來師承不絕比
諸傳記最有依據可以考六經之同異證諸子之是
非學者所當盡心夫趨名者於朝趨利者於市觀義
理者於其會論語者義理之會也之學者之於孔氏
有如問仁有如問孝問政問君子者衆矣所問非有
更端而所對每不一蓋聖人之於教人善盡其材視
其學術之弊性習之偏息黥補劓之功深矣古之言

者天下殊塗而同歸百慮而一致學者僅不於領會
恐於義理終不近也近世學士大夫知好此書者已
衆然宿學者盡心故多自得晚學者因人故多不盡
心不盡其心故使章分句解曉析詰訓不能心通性
達終無所得荀卿曰善學者通倫類蓋聞一而知一
此晚學者之病也聞一以知二固可以謂之善學由
此以進智可至於聞一知十由此以進智可至於一
以貫之一以貫之聖人之事也由學者之門地至聖
人之奧室其塗雖甚長然亦不過事事反求諸己忠
信篤實不敢自欺所行不敢後其所聞所言不敢過
其所行每鞭其後積自得之功也夫不仕無義也子
使漆離開仕對吾斯之未能信而孔子說蓋漆離開
在聖人之門聞義雖甚高至於反身以自誠則未能
篤信其心未能篤信則事至而不能無惑以不能無
惑之心適事而欲應變曲當不可得也此漆離開所
以不願仕也先王制禮行道之人皆有三年之愛於
其父母而宰予欲於菽祥之中食稻衣錦引天下至
薄之行自以爲安漸漬孝弟之說不爲不久豈其無
所忌憚吐不仁之言至於如此蓋若宰予者其先受
之質薄自其至誠內觀實見三年爲哀已忘而強勉
爲之者將欲加厚其質而不可得故不敢少自隱匿
方求孔子之至言以洗雪其邪心以窮受薄之地不

暇恤人之議已也豈其不仁者欲見於一時之言而
近仁者將載於終身之行古之學者所自得於內而
不恤其外凡如此也此所以有講有學有朋友切磋
以相發明非爲文章可傳後世辯論可屈衆人而發
也其所聞於師與自得於心者如此方其學於師也
不敢聽以耳而聽之以心於其反諸身也不敢求諸
外而求之內故樂與諸君講學以求養心寡過之術
士勇之不作久矣同與諸君勉之

孟子斷篇

由孔子已來求其是非趨舍與孔子合者唯孟子一
人孟子聖人也荀卿著書號爲祖述孔氏而詆訾孟
子以爲略法三王而不知其統蓋荀卿見孟子道性
善言必稱堯舜義不見諸侯其迹與孔子不合故云
爾曾不知前聖後聖所謂若合符節者要於歸潔其
身者觀之孟子論孔子去魯不知者以爲爲肉其知
者以爲爲無禮乃若孔子則欲以微罪行以微罪行
此聖人之忠厚非孟子不足以知之學者欲知孟子
率以是觀之其智不足以知孟子安能知孔子然則
荀卿所謂知孔子者特未可信聖人無名而淳于髡
以名實求孟子固不足以知之荀卿曾未能遠過淳
于髡也楊子雲曰孟子勇於義而果於德知言之要
知德之奧非苟知之亦允蹈之言雖不多以子雲之

言行反覆考之足以發子雲之知言司馬遷號稱博
極群書至如論伊尹百里奚皆不信孟子此所以得
罪於子雲也由孔子以來力學者多矣而才有楊雄
來者豈可不勉方將講明養心治性之理與諸君共
學之惟勉思古人所以任已者

代司馬丞相進稽古錄表

臣光言竊以九州四海一日萬幾機將察知民物之性
情蓋布在文武之方冊雖歷年久而舉其大要則用
功少而見夫全功恭以皇帝陛下富有春秋弭寧
方夏念終始典于學於緝熙單厥心延登老成親近

勸講發論語章句探經藝之同歸誦寶訓丁寧憲
宗之不易本有如是實惟濫觴惟稽古堯舜之舊章
惟信史春秋之成法高山可仰覆轍在前其興亡在
知人其成敗在立政或當艱難之運而不能師用賢
智或有惻隱之意而無以照知忠邪載籍之編患乎
太漫鑒觀之主力不暇遑敢用芟夷畧存體要由三
晉開國迄于顯德之末造臣既具之於歷年圖自六
合為宋接乎熙寧之始元臣又著之於百官表乃苦
威烈丁丑而上伏羲書契已來對越神人可用龜鏡
悉從論纂皆有依憑總而成書為稽古錄二十卷因
仍書局繕寫奏篇茲冒昧以上陳助聰明之遠覽中

謝恭惟 太皇太后陛下定九鼎以守天下之公器
 乘六龍以御古今之正權思齊之功啟佑聖學遍物
 之濟燕及宗祧至於法弊於涼而改爲官非其人而
 變置御戎之策上下措國之勢安危據舊以鑒新去
 彼而取此陶成萬化東在兩宮七廟垂無疆之休微
 臣與不朽之筆干冒宸宸臣無任

代孫莘老謝御史中丞表二首

臣覺言耳目之官紀綱所寄得人則百僚用憲舉枉
 則庶職不凝豈圖眷求猥及孱朽臣中謝伏念臣師
 心孤陋賦性朴愚宣力三朝螻蟻之心未報親逢二
 聖犬馬之齒既衰智已虧而見事遲才已拙而於用

少補卑衣之缺空慙折檻之忠拜青瑣之門未有迴
 天之力執彘衡無山濤之識侍帷幄無史魚之風忽
 被除書進丞執法方虞官謗更益寵驚此蓋伏遇
 皇帝陛下淵默以行四時文明以首萬物有知人不
 蔽之福有念功無疆之休憐其後凋收置近列惟是
 言責實難人才黑白分明仰恃聖心之虛佇米鹽細
 碎敢塵天聽之崇高雖自誓言終憂隕越

司繩宮省之中清道輦轂之下領職甚要用才匪輕
 豈伊冥頑遽叨任使中謝伏念臣非窮理極深之學
 無經遠濟務之材諸生策名華髮在服昔荷先朝之
 識拔今蒙二聖之眷求待罪諫垣初無功於補袞典

山谷正集 卷之十九
司選部曾莫效於澄源徒以天資重逢或許敦厚帝
前講勸日近清光猥錄微勤辱茲虛授此蓋伏遇
太皇太后陛下對越七廟緝熙百工至公無私大明
不蔽直道而行於民上有譽則試之官能察知孤臣
無有比德故因乏使式付中司雖責重而憂深然主
聖則臣直知人不易既依日月之明聽言則難敢忘
藥石之報一心自誓九隕為期

代李野夫亳州謝上表 二首

臣葦言懷中奪宣城之綬以畀從官望外得亳社之
符益慙小醜不勤傳舍既見吏民間父老殫於財力
之餘宣朝廷惠于鰥寡之意天實咫尺即為股肱中

謝伏念臣才資下中學術淺陋沈迷簿領久從州縣
之勞清問下民晚叨刑獄之寄在官曠守以殿投閑
會開天臺慎柬人物被先朝之識拔假卽位者歲年
自狀短長無俾分寸為國宣力尚辦一城與民持平
則有三尺輒傾肝膽昧冒高明伏遇 皇帝陛下
日萬機六通四闢知人之福順于宗工卹民之深寄
在牧守察其勤舊善於撫綏致茲叢爾之材獲奉欽
哉之詔臣敢不烹鮮期於不撓牧羊去其敗群使蚊
負山何錙銖之能力以塵足岳亦臣子之至情
護田閔歲初無尺寸之功乞郡治民已懼再三之瀆
幸天從欲守國近藩奉宣詔條慰拊鰥寡中謝伏念

臣刻鵠之學纔能類鷺割鷄之投不任解牛頃將命
江湖之行所云補米鹽而已遭逢先帝制作文昌迪
知九德之材祇承六典之任實以蹇淺誤蒙洗滌雖
懷松柏後凋之心顧有蒲柳先衰之質惟茲外補不
俟終更伏遇 太皇太后御聖人之時持天下之寶
東百執事以熙帝載重二千石以共民功謂臣早趨
州縣之勞既習爲吏付以展肱之郡儻能救人不以
望輕遂茲噐使臣敢不疚心獄訟勸課農桑迄收塵
露之勤少荅乾坤之造

代李公擇遺表二首

依日月之末光未殫報國悵桑榆之晚景忽慟窮塗

輒輸將死之言儻動蓋高之聽中謝伏念臣生長孤
外遇逢聖明學淺而智卑才拙而用少先皇帝擢收
流落前拔塵泥擢登清禁之班許以經遠之噐二聖
臨御四門穆清無補涓埃薦蒙轡策長地官術不足
以富國丞御史忠不足以回天少寬素食之憂得備
維藩之寄重分席節出拊方州雖受命即行驅馳夙
駕而短生無祿隕越路隅猶結戀於清時敢獻忠於
未瞑伏願 皇帝陛下算事耆老延登俊良緝熙六
藝之光明靈承七廟之謨烈盡子道以法舜之孝師
天常以體堯之文國家膺無疆之休微臣釋沒齒之
憾

仕而服休雖效等瓶之智沒而獻直猶希結草之忠
未沐須臾之期少陳迫切之願中謝伏念臣學則無
友於國仕則無聞於朝智常病於遠謀器適宜於近
用遇蒙先帝擢真周行登備諫工言不足以成務出
將使指事不足以分憂天秩六官妙選群吏收臣江
湖之外進列文昌之班沆終元豐之年久司宗伯之
典天地立極日月並明不能退藏復叨任使髮白於
民部曾莫裕於邦財心盡於中臺亦何功於衮職重
以直書延閣勸講露門請郡以避素餐顧天而從私
欲會乏蜀川之守遽叨使節之行承命載驅猶憂靡
及雖犬馬自弛於鞭策而蒲柳盡至於冰霜忍死路

隅敢輸忠藎伏望 太皇太后陛下昭事上帝而長
其變清問下民而察其微以包荒爲用材之方以柔
遠爲御戎之策師用古訓而難任人勤國家一日之
幾貽宗社萬年之慶臣雖死之日猶生之年

代宜州党皇城遺表

惟孝惟忠生則縻於榮祿立功立事沒猶戀於明朝
伏念臣本以書生起從戎旅孝經論語承習於家傳
三略六韜講聞於軍幕畧知事君之義漸識用兵之
機無路進身占名小校曰逐裨佐稍達聽聞大臣薦
論謂其了得邊事敕書戒諭許以臨敵制宜強虜在
前矢石如雨群蠻空入戈盾成林至於萬死一生不

山谷正集 卷之二十九 一
敢瞻前顧後遂因將領委以郛符感極命輕功微祿
過重念臣稟生河曲老在領南顧齒髮之凋零因土
風之弊惡闔家瘴癘終歲號呼老母終堂墨衰猶在
少孫殞命薪火未寒臣之衰殘逮茲殞越將成異物
猶仰清光伏願 皇帝陛下千年膺撫世之期百禩
受宜民之慶永錫蒼生之福尚推枯骨之仁臣無任

謝黔州安置表

臣庭堅言昨蒙恩責授涪州別駕黔州安置已於四
月二十三日到黔州公參訖者聖恩寬大善貸曲成
剗心隕元未足稱報中謝伏念臣草茅下士詩禮小
儒漸階清塗廁列文館誤承器使孤奉國恩罪在至
患刑茲無赦有司議獄期從鉄鉞之誅明主原心終
全螻蟻之命雖投裔土猶得為人此蓋 皇帝陛下
有天地好生之心有堯湯不蔽之福旁開用命之網
或漏吞舟之魚顧茲未死之年皆是再生之日罪深
責薄感極涕零重念臣萬里戴天一身弔影兄弟濱
於寒餓兒女未知存亡不敢每懷惟深自咎窮鄉多
恠苦露常陰木石為親柳或幾於生肘日月在上葵
敢忘於傾心報德無階惟忠與孝臣無任

奏狀三首

修神宗實錄乞外任奏狀

伏念臣日者蒙恩待罪著作討論史事預聞聖朝大

典實以爲榮而臣才不逮人讀書有數見聞淺陋無助闕遺龜勉素塗已糜歲月重以老母年垂七十寢飯須人朝請坐曹義當夙夜退則有虧子職進則無補公家敢申犬馬之情仰望乾坤之造伏望聖慈除臣一江淮合入差遣問民疾苦得以効於吏功將毋肯并或少裨於孝治臣無任自容辭職之狀臣昨於元符三年五月蒙恩自責授涪州別駕戎州安置復宣義郎監鄂州在城鹽稅并還所奪勲賜以江水汎漲不可下峽至十月又准告復臣奉議郎簽書定國軍節度判官廳公事臣以久客瘴地抱疾累歲年衰病侵加以去年弟妹凋喪幾至無生十二月方得發戎州貶所建中靖國元年三月至峽又准告復臣朝奉郎權知舒州事至四月至荆南又准尚書省劄子已降告命除臣吏部員外郎乘遞馬發來赴闕而臣到荆南即苦癰疽發於背脇痛毒二十餘日今方少潰氣力虛劣重以累年脚氣拜起艱難全不堪事方陛下始初清明萬國歸往蕩滌瑕垢登用賢俊如臣材輕智短罪棄之餘誤蒙哀憐洗滌驅策實深遭逢徼幸望雲就日之心而臣天賦孤寒百疾所攻冒昧寵光清議可畏輒傾螻蟻之誠上瀆天聽欲乞免前件恩命除臣江淮一合入差遣假之數年儻

漸完復尚堪黽勉自誓糜捐伏望聖慈特賜憫察臣
出放誠懇別無希望臣只在荆南取候朝旨謹錄奏
聞謹奏

臣所乞差遣如太平州無爲軍一處實於私計爲
便自荆南至居所居分寧縣不遠臣已一面前去
展省墳墓即迴荆南聽候朝旨

再辭免恩命奏狀

右臣六月二十二日准尚書省劄子奉

聖旨不許辭免已除吏部之命臣即時治行有日上
道會臣亡弟所遺三男因病連失二子臣亦不勝哀
惱伏暑傷冷併作羸疾累日委頓不可支持已分賫

于溝壑幸得醫藥稍復蘇醒只今四體唯骨都不堪
事度不三兩月不得復常不免以虺蜉性命之情再
于冒生成之造乞除臣江湖一合入差遣免於奔馳
或至顛越道上重念臣與趙彥若范祖禹三人同時
得罪竄逐二子已爲異物不獲親見盛明臣以蠢愚
強顏猶在伏蒙 陛下湔浚收用一歲四遷臣非木
石實未知報稱之所豈敢眈睨詔除慢不恭命恭惟
陛下體堯蹈舜光宅天下不蔽之福無疆之休是以
草芥賤臣敢竭愚衷昧冒再請乞日或有繁難任使
臣當剡心隕首不愧初筮謹具狀奏聞伏望 聖慈
曲垂聽許

臣前狀嘗乞太平州無爲軍一處非是沽激實出
至誠此郡公事少可以養疾圭田厚有補家貧甚
以兄弟流落六年婚嫁多失時節今日得此於臣
足以辦事非恃朝廷尚記姓名臣不敢冒昧如此
不意未幾以非藤之州言如却即請糾對不恭命奉到
級財賦存六卷 到不前如外限一為四卷其非本
計非實過二千三百員必不敷應良益附到心悉
如王顯族直士重公其與族族族族族族族族族
于百本族之部之制五三兩一合八式卷應族族族
重刻黃文節山谷先生文集卷第十九

重刻黃文節山谷先生文集卷第二十

正集
以費用已商辦費明後學莆中方日沈子及校
碑一碑以十楚平魚白坐魚里人周希令子儀編
全州盤石廟碑
盤石廟者在州之西乃故全州使君王侯廟也王侯
故魏城人而家開封諱世行字祖道文武自將得知
已晚用不盡其才而威惠著於清湘者也治平初天
子勵精聽斷立考課法進退州郡文武吏於是全
不治湖南安撫使吳中復轉運使杜植判官宋迪提
點刑獄楊寧奏言路分都監文思副使王某嘗任全

州都巡檢儂智高反邕管時其歸師將犯桂州而北
掠以獠衆壓全境吏民皆欲空壁出走某調民城守
提兵阨灌陽亦會官軍破賊民至今以爲老幼不失
業王某之功願擢守全州天子從之侯入境全民驩
呼迎道侯之爲州樂易明白順民之欲除其所惡無
動人耳目事而州以大治流逋四歸樂生興事邑居
野處皆不畏吏問其父老王侯之善政云何對曰前
時公厨以十數卒爲白望漁奪於市又以十數卒爲
河巡脅取行商椎賣三渡貧民或終日不得往來開
內外官邸禁民無得私舍盡奪鋪戶鹽以私牙吏歲
調民之貴連賀取魚苗畜之官池又採斑竹箭筍

以應使客之求吾侯以律令從事積年之弊一日蠲
除我知此而已問其士大夫對曰吾侯爲邦勤民不
倦而其僚奉職潔已無瑕而其吏畏賊治夫子廟興
民學表孝子廬興民行治軍有犯無隱聽訟立決無
留侯之子獻可登進士第民持酒相慶曰吾父宜有
子也及侯卒於位民罷市相弔曰天奪吾父乎初民
欲爲生祠而侯不聽歿而民作廟於西盤石寺隅臨
官道歲十八祠之由是而觀王侯誠良吏其享民丞
嘗也宜全之士民欲刻石頌侯功德且願薦之聲歌
使子孫報事不忘久不得其所託後二十餘年獻可
以材擢西作坊使知瀘州乃遣吏走黔中道全民之

意噫循吏之無稱久矣故樂道王侯之使來者有
所矜式又為詩遺全民以王侯記并刻之王侯終文
思副使太原郡開國侯今以子贈左中散大夫王侯
為吏所至多可稱述弗著著其所以有廟於清湘者
其詞曰

清湘齋云兮上盤石作侯寢廟兮宮室丹碧事侯
如生兮不以金帛丘在金山兮侯安此宅金山之
下兮松柏蒼蒼至于雲來兮日遠日忘我民奉侯
兮歲歲烝嘗羔豚孔時兮魚有鯉魴黃甘綠橘兮
薦清酒鼓坎坎吹參差侯愛我民兮乃下享之風
為舟兮雲為馬嬉于川兮獵于野千秋萬歲兮無

此藥邦為來者師兮我民受嘏

吏部侍郎魏公神道碑代李尚書作

魏公諱瓘字用之三司使尚書禮部侍郎贈太尉諱
羽之次子贈兵部尚書諱遂之孫贈禮部尚書諱昌
之曾孫章聖皇帝以太尉任計臣十有八年有勞
擢試公以吏事公幼少以風力聞更中外任使其治
威嚴請老去位家居教子弟以所聞壽七十有一以
禮始終子續等十有一人奉公之喪葬於壽春以公
初室下蔡縣君繼室新安縣君兩刀氏祔烏翰林侍
讀學士張瓌唐公既銘其墓吳興陳舜俞令舉又狀
公躬行吏考告於太史氏其後若干年公子綸以材

擢守吉州思似其先人請作歌詩刻于墓隧謹按公
之世出授氏於畢萬由漢兗州刺史衡以來三十九
傳至公名士望人不絕史公能不替引之宜有金石
勒無憾其兩娶司農卿諱琰之女司農於公母弟也
惟公立朝蒙天子識拔更守十二州五將使節事實
皆可紀士大夫多傳之故以姻亞道公之美而無嫌
其詩曰

維鉅鹿侯繇萬有魏昭獻栢簡功利長世文武開
國師用賢智有興鄭公正觀同功暮作司徒繩其
祖風胡服變夏衣冠南韓太尉初筮起歎發源陪
臣仕主有庸有勲公守校書未冠試吏開封倉曹

初無避畏象魏燒燈碎嗟視成內侍少公倅事擅
征公以書聞論罪請懲詔取付吏府中大驚公守
循州不夷拊之除用入士俾調養之士不菽麥令
無賦之恤刑邕桂遂領轉輸男女質汲蟻戶口租
計免請糴夷夏以蘇淮蔡江湖大河南北無有遠
邇愛民卹國少常金魚持節番禹吏宴姑息民媮
蒲魚塹海新城實埔作猪工十一萬公私告懼人
言無戎公迄奏功遷諫大夫猶以誚公蠻掠五管
盡銳廣府汲者負戶五旬不去廣人堅壁用奇走
賊謗者歛衽天子歎息侍郎工曹學士集賢還公
廣州予兵五千公調兵食佐王貌虎望公旌旗兒

得父母逃逋四歸稟給悍嫠部吏封豕道無僵尸
公作京尹政達巨室子弟臥家吏史不覲察獄色
詞取諸懷中及其機祕隙不容風有嬰其芒齒牙
爲猾飛語上聞放越待察訖無秋毫奉公如家天
子休之寵賜勞嗟議塞商胡道河六塔是非分廷
詔公閱實歸報不可卒用初謀捐二百萬商胡北
流致師蠻荆公議撫納王師禦戎不交曲直奮其
武功禽獸彌之終以公策迺子順來廣府任士荔
子蔗霜餘歸執政脩用歲常有凶史沆告公包賄
詔使按劾以凶即罪荆州澶滑進官吏部爲開南
陽持節安撫歸節請老杖藜角巾婆娑壽陽教子
弄孫八公巖巖淮水繞宅風聲鶴唳燕御賓客既
壽而藏可思不忘脫身風波委蛻於堂公之宴私
左右書詩溫恭孝賢白首不衰庖丁之刀遇事恢
恢餘地不試則有偶竒嗚呼鉅鹿誰之不如同功
一體多執事樞公窺其處曾不容車印章纍纍天
奪鬼瞰啟予手足公則無憾楚望霍丘其陰維淮
作公寢宮無有壞墮墓門有詩來者詔之在予後
之人其有能子亦有能孫聿脩其似之

傳

董隱子傳

董隱子隱於乞人從人乞於南康市中與酒無不飲

未嘗見其醉連敗紙蔽後前衣穿結不周腹背風雪
人挾纊戰栗其面有孺子色視衆人之所嚴如涕唾
人以世俗所重利要之不滿一笑也或祈嚮願聞其
方則曰無能乞爾無它言皆玩人然狂而不悖高安
劉格道純晚得之與爲禮甚愿爲置酒解衣衣之與
言或時語不狂自道宿人年三十六矣熟視二十許
人也道純得疱瘡如蓓蕾潰肌膚岑岑痛晝夜生數
十隱子爲和齊五日良已異日陰與方士約買藥煮
丹砂期未至語不聞侍旁隱子又來飲起握道純手
曰冶金鑄銀奔馬即死禍乞一榼酒行歌而往曰歸
飲吾同舍明日遣人問安留榼語旁乞人去矣數日

客見之於潯陽猶寄聲別道純不了其來之始其去
以庚申正月一十三日

雜著

解疑

或議涪翁御奴婢不用鞭撻能慈而不能威涪翁笑
曰奴婢賤人不過爲惡而詐善慢令而詐恭當其見
效在前雖我亦不能不怒退自省不肯之狀在予躬
者甚多方且自鞭其後又何暇捨己之沐猴而治人
之沐猴哉或曰孔子曰小懲而大戒小人之福然則
非歟涪翁曰然有是言也不曰不教而誅謂之虐不
戒視成謂之暴慢令致期謂之賊乎今之用鞭撻者

有能離此三過者乎昔陶淵明爲彭澤令遣一力助其子之耕耘告之曰此亦人子也善遇之此所謂臨人而有父母之心者也夫臨人而無父母之心是豈人也哉是豈人也哉

發願文

菩薩師子王 白淨法爲身勝義空谷中奮迅及哮吼念弓明利箭被以慈哀甲忍力不動搖直破魔王軍三昧常娛樂甘露爲美食解脫味爲漿游戲於三乘住一切種智轉無上法輪我今稱揚稱性實語以身語意籌量觀察如實懺悔我從昔來因癡有愛飲酒食肉增長愛渴入邪見林不得解脫今者對佛發

大誓願願從今日盡未來世不復淫欲願從今日盡未來世不復飲酒願從今日盡未來世不復食肉設復媮欲當墮地獄住火坑中經無量劫一切衆生爲媮亂故應受苦報我皆代受設復飲酒當墮地獄飲洋銅汁經無量劫一切衆生爲酒顛倒故應受苦報我皆代受設復食肉當墮地獄吞熱鐵凡經無量劫一切衆生爲殺生故應受苦報我皆代受願我以此盡未來際忍辱誓願根塵清淨具足十忍不由它教入一切智隨順如來於無盡衆生界中現作佛事恭惟十身洞徹萬德莊嚴於刹刹塵塵爲我作證設經歌邏羅身忘失本願唯垂加護開我迷雲瞽首如空

等一痛切

祈雨文三首

晚稻既苗植禾將粒雲物不雨西南其風高田塵埃
下田龜析歲且無入柰何斯民維雨有神庇民以食
能出雲雨化災為穰吏將率民豢牲醴酒以報靈德
豈不休哉
今歲雨暘時節既登麥而羨禾迺五月辛巳汔于今
不雨以風粒者將不得堅粟苗者將不得遂蕃疾牛
而耕汗背而耘者將不得食將無以奉輸貢賦供給
祭祀官吏且失其職故以吉日丙寅夙夜駿奔並告
於爾神蒙神之休荅以膏雨而漏下不能三刻星斗

晏然使人視四郊之枯槁色故自如鄙諺有女狐埋
之而狐搯之是以無成功春夏之交神賜厚矣豈於
幾成而敗不聰明正直其忍不終惠民吏職不虔
獄訟之不得其情使之或奪其時吏則有罪神降災
於厥躬勿俾民病 尚享

維吉日丙寅奔走丞佐以歲事謁于廟庭靈雨其濛
為惠未徧越戊辰實用不寧身率群吏靡神不宗過
蒙明神降鑒勤瘁忘長吏之罪而大庇民隕雨未申
之交畎澮皆盈早苗蘇醒民有慶色傳相告語實神
之雷風與民成功澤則優渥乃己巳庚午天高日照
四無雲陰雖蟻集于丘魚驗于淵膏雨祈祈殆不可

復愚民冒陂池之澤至於昆弟以鋤耨相逐雖風俗之不美吏化之未加抑亦有以使然惟神血食此邦分風之柄呼吸晦冥足以解紛善歲捐神所易成吏所難是用慘怛三請神其終賜之俾民知神之光烈威神永有依歸及其牲牲肥大酒醴耐其將教民美西成之報焉尚饗

跋奚移文


女弟阿通歸李安詩爲置婢無所得迺得跛奚蹢躅離䟽不利走趨顙出屋檐足達戶樞三姬挽不來兩姬推不去主人不悅厨人罵怒黃子笑之曰堯牽羊而舜鞭之羊不得食堯舜俱疲百羊在谷收一童子

耳竊飲餽猫犬堙塞鼠穴凡鳥攫肉猫觸鼎八地鼠窺甌皆汝之罪也春蠶二臥升簇自裹七晝七無得停火紵麻藤葛蕉任絺綌錫踈手作無有停紵緝偷工夫一日得半工一縷亦有餘暑時蘊烝扇涼蜜冰薰艾出蚊冰盤去蠅果生守樹果熟守管執弓懷彈驅嚇飛鳥無得吮嘗日使殘少姆姬罵譏瘡痢泄嘔天寒置籠衣衾畢烘搔痒抑痛炙手擱凍無事倚牆鞵履可作堂上蹈呼傳聲代諾截長續短鳧雀皆憂持勤補拙與巧者儔凡前之爲汝能之不跛奚對曰我缺於足猶全於手如前之爲雖勞何咎黃子曰若是則不既有用矣乎皆應曰然無不意滿

勸學贈孟甥

場

軻闢楊墨功愈於禹
仲子論詩汜紹厥緒喜鑿言易
亦自名家一姓幾陸光綿其瓜嘉出江夏處濁而清
河潤九里外孫淵明雲卿浩然爰及郊簡三詩連蹇
尚書則顯咨爾孟孫望洋漢唐其勤斯文對前人光



里刻黃

山谷先生文集卷第二十

